



NAMANGAN VILOYATI MINGBULOQ TUMANI HOKIMINING QARORI

2024-yil 2-dekabr

689-6-81-Q/24

Mingbuloq tumani hokimligi

O‘zbekiston Respublikasi Prezidentining 2024-yil 15-noyabrdagi “Umumiy o‘rta ta’lim maktablarida musiqa madaniyati fani o‘qitilishini tubdan takomillashtirish hamda ushbu fan o‘qituvchilarining kasbiy faoliyatini rivojlantirish chora-tadbirlari to‘g‘risida” PQ–391-sonli qarori hamda viloyat hokimining 2024-yil 28-noyabrdagi 574-6-0-Q/24-sonli qarori ijrosi haqida

O‘zbekiston Respublikasi Prezidentining “Umumiy o‘rta ta’lim maktablarida musiqa madaniyati fani o‘qitilishini tubdan takomillashtirish hamda ushbu fan o‘qituvchilarining kasbiy faoliyatini rivojlantirish chora-tadbirlari to‘g‘risida” 2024-yil 15-noyabrdagi PQ–391-sonli qarorini, viloyat hokimining 2024-yil 28-noyabrdagi 574-6-0-Q/24-sonli qarori ta’minlash maqsadida, “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 25-moddalariga asosan,

QAROR QILAMAN:

1. O‘zbekiston Respublikasi Prezidentining 2024-yil 15-noyabrdagi PQ–391-sonli qarori ijrosi yuzasidan, viloyat hokimining 2024-yil 28-noyabrdagi 574-6-0-Q/24-sonli qarori rahbarlik va amalda ijrosini ta’minlash uchun qabul qilinsin.

2. O‘zbekiston Respublikasi Prezidentining 2024-yil 15-noyabrdagi PQ–391-sonli qarori bilan:

quyidagilar umumiy o‘rta ta’lim maktablarida (keyingi o‘rinlarda-maktablar) musiqa madaniyati fanini rivojlantirishning asosiy vazifalari etib belgilanganligi;

musiqa madaniyati fani o‘qituvchilari uchun o‘quv qo‘llanmalarini ishlab chiqishi;

o‘qituvchilar malakasini oshirishning yangi tartibini joriy etishi;

o‘qituvchilarga malaka toifasini berish mexanizmini qayta ko‘rib chiqishi;

musiqa madaniyati fani o‘qituvchilarining bilim darajasi va kasbiy mahoratini aniqlash bo‘yicha milliy baholash tizimini yo‘lga qo‘yishi; madaniyat va san‘at yo‘nalishidagi oliy ta’lim muassasalari bitiruvchilarini maktablarga ishga qabul qilish tizimini soddalashtirishi;

belgilanishicha;

a) 2025-yil 1-martdan boshlab musiqa madaniyati fani o‘qituvchilari uchun nazariya va amaliyot uyg‘unlashtirilgan holda malaka oshirish tizimi yo‘lga qo‘yilishi;

bunda malaka oshirish ta'lim dasturining nazariy qismi A. Avloniy nomidagi pedagogik mahorat milliy instituti, Qoraqalpog'iston Respublikasi va viloyatlar pedagogik mahorat markazlarida (keyingi o'rinlarda- markazlar), amaliy (ijodiy) qismi bolalar musiqa va san'at maktablarida tashkil etiladi va markazlarga ishga qabul qilinadigan musiqa madaniyati fani o'qituvchilari mehnatiga soatbay asosda ish haqi to'lanishi;

b) 2025-yil 1-sentabrdan boshlab: bolalar musiqa va san'at maktablarining belgilangan o'quv dasturlarini to'liq yakunlagan, 11-sinfni tugatgan umumiy o'rta ta'lim to'g'risidagi shahodatnomaga ega bo'lgan bitiruvchilarga "Barkamol avlod" bolalar maktablarida to'garak rahbari sifatida ishlash huquqi berilishi;

madaniyat va san'at yo'nalishidagi oliy ta'lim muassasalarning o'quv dasturi doirasida psixologiya va pedagogika fanlarini o'rgangan musiqa yo'nalishi bitiruvchilariga maktablarda musiqa madaniyati fanini o'qitishga ruxsat berilishi;

bunda musiqa madaniyati fani o'qituvchilariga milliy cholg'u asboblardan kamida 1 tasini ijro etish ko'nikmasiga ega bo'lish talabi qo'yilishi;

d) madaniyat va san'at yo'nalishidagi oliy ta'lim muassasalari bitiruvchilarining bitiruv oldi amaliyoti kelishuv asosida maktablarda tashkil etilishi;

Madaniyat vazirligi;

a) Maktabgacha va maktab ta'limi vazirligi bilan hamkorlikda 2025-yil 1-apreldan boshlab "Turon" maktab teatrining ijobiy tajribasi asosida maktablarda "Iqtidor" badiiy havaskorlik jamoalarini tashkil etib, jamoalar o'rtasida "Iqtidor maktab ansambli" respublika tanlovini (keyingi o'rinlarda-tanlov) o'tkazishi;

bunda:

tanlov har yili milliy va jahon musiqasi yo'nalishlari bo'yicha maktablarning badiiy havaskorlik jamoalari o'rtasida o'tkazilishi;

tanlovning respublika bosqichi g'oliblari xorijiy davlatlarga ta'lim sayohatiga yuborilishi;

tanlovning respublika bosqichini tashkil etish va o'tkazish bilan bog'liq xarajatlar Maktabgacha va maktab ta'limi vazirligiga ajratiladigan mablag'lar doirasida amalga oshirilishi;

b) ikki oy muddatda:

maktablarda darsdan tashqari tashkil etilgan "Iqtidor" badiiy havaskorlik jamoalari uchun 7 turdagi milliy musiqa cholg'ularida kuy ijro etishni o'rgatish bo'yicha qo'shimcha adabiyotlar, notalar va videodarslar ishlab chiqishi;

tuman (shahar)larda bolalar musiqa va san'at maktablari hamda milliy va zamonaviy cholg'u ansambllarining hisobot konsertlari budjetdan tashqari va qonunchilikda taqiqlanmagan boshqa manbalar hisobidan yo'lga qo'yilishini ta'minlanishi;

har yili madaniyat va san'at yo'nalishlari bo'yicha nufuzli xalqaro va respublika tanlovlari ro'yxatini shakllantirsin hamda vazirlikning rasmiy veb-saytida e'lon qilib borishi;

bolalar musiqa va san'at maktablari maktablarning musiqa madaniyati fani o'qituvchilariga uslubiy yordam ko'rsatish bo'yicha tayanch ta'lim muassasalari sifatida belgilashi. Bunda;

bolalar musiqa va san'at maktablari o'qituvchilari maktablarning musiqa madaniyati fani o'qituvchilariga uslubiy yordam ko'rsatib borishi;

o'qituvchilarning musiqa cholg'ularida ijro etish ko'nikmalarini shakllantirish bo'yicha mahorat saboqlari tashkil etilishi;

d) o'quvchilar orasidan iqtidorli bolalarni tanlab olish, ularni madaniyat va san'at sohasidagi ta'lim tashkilotlariga maqsadli yo'naltirish uchun Madaniyat vazirligi tasarrufidagi ixtisoslashtirilgan madaniyat va san'at maktablari, bolalar musiqa va san'at maktablari tomonidan maktablarda targ'ibot va tashviqot ishlari amalga oshirilishini ta'minlashi;

Maktabgacha va maktab ta'limi vazirligi, Madaniyat vazirligi bilan birgalikda uch oy muddatda musiqa madaniyati fani o'qituvchilariga malaka toifalarini berish tartibini ishlab chiqishi;

bunda malaka toifalarini berish 2 bosqichda amalga oshirilishi;

birinchi bosqich- Maktabgacha va maktab ta'limi vazirligi tomonidan o'tkaziladigan test sinovlari;

ikkinchi bosqich- Madaniyat vazirligi tomonidan belgilangan bolalar musiqa va san'at maktablarida tashkil etiladigan amaliy (ijodiy) imtihon;

belgilanishicha, mazkur qaror ijrosini ta'minlash bilan bog'liq xarajatlarni moliyalashtirish 2025-yilda O'zbekiston Respublikasining respublika budjetidan birinchi darajali budjet mablag'larini taqsimlovchi sifatida Maktabgacha va maktab ta'limi vazirligi hamda Madaniyat vazirligiga ajratilgan mablag'lar doirasida amalga oshiriladi, 2026-yildan boshlab esa Davlat budjeti parametrlarida nazarda tutilishi ma'lumot uchun qabul qilinsin.

3. Tuman Maktabgacha va maktab ta'limi bo'limi (O.Xujayev), tuman Madaniyat bo'limi (R.Xoliqova), manfaatdor boshqarma va idoralar bilan birgalikda O'zbekiston Respublikasi Prezidentining 2024-yil 15-noyabrdagi PQ-391-sonli qarori talablari asosida ish tashkil etsin.

4. Mazkur qarorning bajarilishini nazorat qilish tuman hokimining o'rinbosari J.Raximov zimmasiga yuklansin.

Tuman hokimi



A.Mansurov